

萬歷仙居縣志卷之七

寺觀

儒者之言曰夫道一而已矣乃柱下竺乾卒鼎立不可廢豈流派則殊於教人為善之旨無二宗歟夫二氏諄諄以地獄恐人人且不忍至於焚修供養好言達舍其望福之心更有深於怖禍者甚矣民之貪而愚也仙之梵宮寶閣皆勗自往昔今無建者故室美而新室惡可以徵民力之衰矣

顯慶寺

縣治西舊在紫籜山下名顯元梁天監二年建隋大業元年廢唐貞觀十年重建天寶六年有神光現今址遂徙之改為光明山會昌五年廢大中二年重建宋祥符元年改今額國朝

嘉靖二十七年重修林應麒為之記

金像寺

縣西三十五里五代時韋氏捨宅建以其初斷地得石佛故名歲久無碑惟石幢巋然唐垂拱三年也舊傳自海上浮至色如乳人取其屑以愈疾

廣慶寺

縣北三十里紫籜山上

殊聖寺

縣西南五十里舊名奉國宋治平間改今額

福延院

縣西南四十五里天禧三年建舊傳僧清徹卓錫於此有猛虎馴伏焉

萬安院

縣西南四十五里

崇相院

縣西南二十五里舊在西平坡名雲峯宋天禧間圯於水移今址

護聖院

縣東南五十里前有二塘號雙鑑其水足灌寺田

萬歷仙居縣志

卷七

一

仙居叢書

興道院

南峯上有涵清亭藍光趨稼二軒下瞰大溪為放生池

奉聖院

縣西南十里宋隆興中建舊傳僧宗秀誦蓮經有蓮葉自地湧出俗稱蓮堂云

東寶相院

縣東十二里舊名普勝塔院宋天聖間改今額

三學院

縣東二十里

多福院

縣東二十五里宋慶歷三年建

宣妙院

縣西北三十里五代時建宋紹興間重修

法明院

縣西南四十里舊名景星宋治平三年改今額

殊聖院

縣西北五十里舊名奉國宋治平間改今額

西寶相院

縣西五十里舊名梁興梁天監間建宋祥符元年改今額

治平院

縣西七十里舊名廣業唐建中間建宋祥符元年改今額

慈安院

縣東北三十里宋建炎三年建

興化院

縣西北三十里宋開寶八年建

廣巖院

縣東十里宋慶歷三年建

集福院

縣北十里宋天聖二年建

崇教院

縣南二十里宋靖康元年建

淨梵院

縣西南十五里梁天監中建

大興院

縣東十五里宋開寶中建又名石頭寺

正覺院

縣東南七里舊名珠頭巖宋開寶中建治平三年改今額

精嚴院

縣西三十里舊名靈泉唐乾符間建宋治平三年改今額

普勝院

縣東北三十里五代間建宋治平四年賜額

鷲峯院

縣東南三十里宋靖康元年建

淨居院

縣西北四十里宋僧行機重建

善因院

縣南五里唐廣明間建宋治平三年賜額

正貞院

縣東南五十里宋紹興二年建

淨樂院 縣西七十里唐咸通間建名  
興樂宋治平三年改今額

廣福院 縣西一百四十里宋咸平間建

明聖院 縣西十五里宋景祐中建

清修院 縣西二十五里宋開寶中建開禧元年重修

寶積院 縣東南三十里宋治平三年建

慧門院 縣西三十五里宋景祐五年建

梵巖院 縣西十里宋元祐六年建

普光院 縣西南八十里

淨勝院 縣西南五十里唐陳長者建宋治平三年賜額

大仁院 縣西南四十五里宋紹興中建

明覺院 縣南三十里宋紹興中建

普信院 縣西四十里宋開寶八年建治平三年賜額

福應院 東山上 有浮屠

佑聖眞君廟 縣西二里宋淳熙間建

應瑞侯廟 縣東二十五里麻姑巖祀唐管供奉初管奉詔詣洞官設醮而麻姑見管不知也歸與階行中途忽化鶴飛入麻姑山而去管嗟望墜馬死有司以聞封而祀之至宋紹定間蕭德藻赴南宮夢神告以必中問何神曰瑞應侯也上帝徵我爲

監門官故相告耳既登第注仙居簿視圖牒有侯廟遂首祭之

慈感廟 縣北六里祀杜氏二女初隋大業末二女家鬻湯餅甫喪父母庖人挑之二女憤激殺庖人去而之孟溪隱焉會溪漲溺死唐天寶初鍾離介者寓長安夢二女揖曰吾家孟溪君今

中第尹吾邑矣已而果然入境見二枯骨置藤上卽之道阻斧藤流血斲石石亦流血及舉其骸鈎連有聲遂取以同有樵夫告之曰此石藤石藤二夫人鎖子骨也語竟忽不見介嗟異塑其

骨祀之至宣和間民避寇其中寇望山中草木皆兵懼不敢犯慶元二年令趙幼聞以聞遂賜額禱雨輒應國朝萬歷三十年知縣陳學繼重修爲之記

萬歷仙居縣志

卷七

一一

仙居叢書

紫籜廟 唐天寶中建 祀其山神

三井廟 祀其潭神

彭溪廟 祀其潭神

靈康廟 縣治東舊名仁濟國朝正德間廢萬歷三十二年重建

韋羌廟 祀其山神

杜蜀王廟 縣西三十里

項羽廟 縣東三十五里

支將軍廟 縣東七里俗傳支與黃巢戰死而顯異故祀之

赤城廟 祀其山神

石龕廟 縣東十五里 祀其土神

大營廟 縣東南二十五里相傳宋時大營小營兄弟戰死而顯異故祀之

韋大將軍廟 縣東三里

石橋廟 縣西八十里宋時建祀胡四郎

龍王廟 浮石山上國朝萬歷三十一年建

枕海廟 縣西六十里 祀其山神

蒼山廟 縣南四十里祀吳將軍朱剛

白巖廟 縣南七里

靈山廟 縣西十五里

張阜廟 縣西二十五里

孤山廟 縣南八十里

陳九郎廟 縣東二十五里

關王廟 一在縣西三十里一在縣治東

葛公廟 縣西三十里

忠烈廟 祀元吳仲修

東嶽廟 縣西 二里

石室王廟 縣東十里 又有石藏石感 各有廟相傳皆其伯仲也

麻姑廟 麻姑 巖上

蔣仙廟 縣東南二 十五里

純熙觀 括蒼山下羣峯迂抱溪水潺湲舊名峽山吳時葛玄建初玄至此山有景雲覆西北遂築室 為煉丹之所事聞詔建侯神館仍賜號焉今丹井尚存唐末觀之龍虎神見夢於吳越王復

加崇輯宋慶歷中邑人吳用堯修堂殿廊廡道士胡道崇初 吳天閣政和中用堯裔孫請改今額後毀紹興五年重建

凝真宮 括蒼洞唐天寶七年有慶雲覆洞因建宮焉宋天禧 二年賜額光宗書瓊章寶藏賜道士陳會真填之

隱真宮 縣東南二十里舊名隱元梁天監中建本吳蔡經故宅先是有王遠者得道飛昇三國時遊 括蒼過經家謂曰汝有仙骨而不知道以金丹餌之及卒舉棺甚輕啓視無有越四年復返

姿益少謂家人曰七月七日王真人當來及期果至駕五色雲龍旌節導從甚都召經父兄見之 又邀麻姑至曰不接奉五百年矣乃送進肴膳皆金盤玉竿王以酒一斗勺水五升飲經家人後 盡室上昇今有石春杵存 焉事聞詔建宮以奉之

### 塚墓

嗟乎世閱人多矣杯土隆然賢愚俱盡此雍門彈而孟嘗涕也雖然賢人君子之 墓往往軼世猶存豈有陰爲之守者乎抑民之不能忘也仙之遺塚纍纍志之以 佐碑碣之窮令無沒則已焉

萬歷仙居縣志

卷七

三

仙居叢書

唐宰相任昉墓 縣北五里有 溪曰任家溪

諫垣蔣琰墓 金像 寺前

梁祭酒吳全智墓 始在下礫 遷葬東山

後唐大中大夫張文伏墓 在兆 塋

宋顯謨韓昭墓 縣南五里 管竹村

龍學吳芾墓 縣西十 里申奧

通判蔣旦墓 縣 東

提刑陳庸墓 三十二都 白雲庵

安撫郭晞宗墓 縣南蓮 塘山

待制郭磊卿墓 縣南 南峯

縣尉吳諒墓 縣南馬 蹄山

教諭應灌墓 下 角

司諫張次賢墓 後 嶺

忠烈張華宗墓 塔山 灣

布衣吳福墓 山名顏 婆墓

隱士林放墓 東 山

國朝知府朱季用墓 東嶺 下

少卿張容墓 田市 西

御史顧大寄墓 夏山 頭

監丞王浚用墓 井 坑

太子少師王一寧墓 縣東笏箕山景 泰中遣官營造

御史戴宏演墓 五都 月山

御史王存忠墓 十都 埠頭

提學王純墓 東嶺 山

孝子應昌墓

觀音巖

教諭應匡墓

麻姑巖萬松山

教諭張概墓

尙書應大猷墓

峽宮隆慶遣官營造

別駕余世英墓

前涯頭

參政張儉墓

大戰口

方伯應良墓

觀音巖

參議吳廉墓

縣南營山

郎中蔣泮墓

縣南綵山

都御史李一瀚墓

東村山隆慶遣官營造

宮保吳時來墓

大林萬歷遣官營造

知縣張壤墓

十七都湖頭

顧烈女墓

懷仁

御史盧明章墓

縣東斷橋

副使吳炳庶墓

下洋

知府應存性墓

之芝

參政顧宏潞墓

隱真宮

同知林應麒墓

東旗山

知府應大桂墓

郎中金克厚墓

布衣余壤墓

東陳垵

經府余學孔墓

小水衙